

ԵԿԵՂԵՑԱԿԱՆ ՀՈՂԱՏԻՐՈՒԹՅՈՒՆԸ ԵՎ ՎԱՆԱԿԱՆ
ԿԱՎԱՍՏԱՏԻՐԱԿԱՆ ՏՆՏԵՍՈՒԹՅՈՒՆ ԱՐԵՎԵԼՅԱՆ ՀԱՅԱՍՏԱՆՈՒՄ
(XVI—XVII ԴԴ.)

ՀԱՄԼԵՏ ԹՈՐՈՍՅԱՆ

Արևելյան Հայաստանի Սեֆյան տիրապետության ժամանակաշրջանի սոցիալ-տնտեսական հարաբերությունների պատմության մեջ առանձնակի կարևորություն ունի եկեղեցական հողատիրության ու եկեղեցական կալվածատիրական տնտեսության ուսումնասիրությունը¹։ XVI—XVII դդ. Արևելյան Հայաստանում եկեղեցին խոշոր հողատեր էր։ Նրա հողատարածություններն իրենց ծավալով կարող էին չափվել խոշոր ավատատերերի տիրույթների հետ։ Ավատատիրական հարաբերությունների քայքայմանը զուգընթաց ավելի էր ամրապնդվում եկեղեցու տնտեսական ու սոցիալական ազդեցությունը։ Մեզ հասած սկզբնաղբյուրներում պահպանվել են ուշագրավ վկայություններ՝ եկեղեցական և հոգևոր ավատատիրական հողային սեփականության ու կալվածատիրական տնտեսության մասին։ «Ամենայն վանօրայք ազգիս հայոց,— գրում է Առաքել Դավրիժեցին, նկատի ունենալով քննվող ժամանակաշրջանը,— իւրաքանչիւր սեազլուիս ունէր իւր դինչս առանձին, այգի և բուրաստան, փեթակ և տուն, և մարան, և համբարանոցս, և զմուտս ստացուածոց նաև զմուտս հասարակաց վանիցն մասունս արարեալ՝ յինքնանս բաժանէին»²։

Արևելյան Հայաստանում եկեղեցական հողատիրության աճն ու զարգացումն առաջին հերթին պայմանավորված էին հայ աշխարհիկ ավատատերերի նվիրատվություններով։ Վերջիններս քաղաքական անբարենպաստ պայմանների հետևանքով, իրենց հողային տիրույթները հափշտակումից փրկելու նպատակով, դժանք նվիրում էին հիմնականում սեփական տիրույթի սահմաններում գտնվող վանքերին, նկատի ունենալով, որ եկեղեցական հողերը համարվելով վակ³՝ անձեռնմխելի էին ու պետականորեն ապահովված։ Շատ հաճախ էլ ավատատիրական տան որևէ ներկայացուցիչ ընդունում էր հոգևոր կարգ և իր ձեռքում կենտրոնացնում նույն շրջանի աշխարհիկ ու հոգևոր իշխանությունը⁴։ Ստանձնելով հոգևոր պաշտոններ, հայ ավատատերերը կա-

¹ Էջմիածնի կաթողիկոսության հողատիրության և կալվածատիրական տնտեսության պատմության հարցերի ուսումնասիրումը ներկա հոգվածում չենք ընդգրկել, քանի որ այն արժանի է առանձին քննության։

² «Պատմություն Առաքել վարդապետի Դավրիժեցույ, սակս դիպուածոց Հայաստանեայց և գաւառին Արարատայ և մասին Գողթան քաւառի սկսնալ ի ՌԾԱ թուականէ հայոց մինչ ի ՌՃԺԱ թ.», Վաղարշապատ, 1896, էջ 288—289, հմմտ. «Ժամանակագրություն Գրիգոր վարդապետի կամախնացույ կամ Դարանաղցույ, Երուսաղեմ, 1915, էջ 296։

³ «Մատենադարանի պարսկերեն վավերագրերը, Հրովարտականք», կաղմեց՝ Հ. Դ. Փալիազյան, պր. I (ԺԵ—ԺԶ դդ.), Երևան, 1956, էջ 26 (այսուհետև՝ ՄԳՀ), Ա. Ղ. Папазян, Аграрные отношения в Восточной Армении в XVI—XVII веках, Ереван, 1972, с. 116—118.

րող էին աղատորեն հողեր գնել ու նվիրել վանքերին: Այսպես վարվեց, օրինակ, Արղուսյան ավատատիրական տան ներկայացուցիչ Բարսեղ արքեպիսկոպոսը, որը 1690-ական թվականներին Սանահնի վանքին նվիրեց իր «Սամ-ծերու երկու էգին իւր հնձանովն, դժալվերու գեղն էդին իւր հնձանովն, զնոշորնաձորի ր օդին ծ աւրավար հողն. Բորաձորի իգին իւր հնձանովն. Բարատակի իգին հնձանովն...»⁴ և այլն: Նվիրատվություններն ունեին նաև քաղաքական գործապատճառներ: Հայ ավատատերերը գտնում էին, որ եկեղեցու իրավունքների ամրապնդումը կնպաստի հետագայում իրենց իշխանության վերականգնմանը:

Հայ ավատատերերի կողմից եկեղեցուն հողեր նվիրելու բազմաթիվ դեպքեր տեղի էին ունենում նաև Արևմտյան Հայաստանում:

Քննվող ժամանակաշրջանում կալվածատիրական խոշոր տնտեսություններ Կարբիի գավառում գտնվող Հովհանավանքը, Նրա հողային տիրույթների ընդարձակումն առաջին հերթին պայմանավորված էր նվիրատվություններով: Վանքի արձանագրություններից մեկում կարդում ենք. «Յամի Ռի՛ (1584) թուին, ես Դովլաթ բէկ, թոռն Մալխութին, գնեցի հալալ արդեանց իմոց ոսկով հող, տուի ի դուռն սուրբ Կարապետին յիշատակ»⁵: Նմանատիպ նվիրատվության մասին է պատմում նաև հետևյալ վավերագիրը. «Թուին ՌՁԸ (1639), ես երեանցի Ավագս և ամուսին իմ Դաստագուլ, միաբանեցաք և գնեցաք Ա ստակ⁷ մուլք ի Փարպի, և տուաք ի դուռն սուրբ Կարապետին»⁶: Հովհանավանքի կալվածքների ընդարձակման գործում մեծ աշխատանք է կատարել նրա վանահայրերից Զաքարիան: 1637 թ. Փիլիպոս կաթողիկոսի կողմից նշանակվելով վանքի առաջնորդ, նա իսկույն ձեռնամուխ է լինում նոր հողերի ձեռքբերմանը: «Նվ ժողովեաց զհողս, և զայգիս, զՁ ստակ մուլք Յոհանավանաց, Ձ ստակ մուլք Որդկանայ⁹, Ա ստակ և կէս Սերկկիւլոյ¹⁰, Ա ստակ Փարպի»¹¹, — գրում է Զաքարիա Սարկավագը: Ուրեմն, վանքն ունեցել է չորս մուլքատու գյուղեր, որոնցից առաջին երկուսին տիրել է ամբողջովյալ, իսկ վերջին երկուսի՝ համապատասխանաբար 1,5 և 1 ստակ մուլքերին: Թվարկված մուլքատու գյուղերից բացի, վանքը Կարբի, Օհանավան, Ուշի և Փարպի գյուղերում ձեռք էր բերել մոտ 41 օրավար¹² մշակելի հողեր,

⁴ Ս. Ջ ա լ ա յ ա ն, Ճանապարհորդութիւն ի Մեծն Հայաստան, մասն Ա, Տփզիս, 1842, էջ 31:

⁵ Մ. Զ ու լ ա յ ա ն, Արևմտյան Հայաստանը XVI—XVIII դդ., Երևան, 1980, էջ 218—219:

⁶ Կ. Կ ո ս տ ա ն յ ա ն, Վիմական տարեգիր, Պետերբուրգ, 1913, էջ 180 (այսուհետև՝ «Վիմական տարեգիր»):

⁷ Սեփականությունն օտարման ենթարկվելու դեպքում բաժանվում էր վեց հավասար մասերի, որը պարսկական աղբյուրներում կոչվում էր դանդ, իսկ հայկականում դանգի փոխարեն հաճախ գործածվում էր ստակ բառը: Մեկ ամբողջական կալվածքը վեց դանդ (ստակ) էր:

⁸ 2. Շ ա հ յ ա թ ու ն ե ա ն ց, Ստորագրութիւն կաթողիկէ էջմիածին և հինգ գավառացն Արարատայ, մասն Բ, էջմիածին, 1842, էջ 105 (այսուհետև՝ 2. Շ ա հ յ ա թ ու ն ե ա ն ց):

⁹ Որդկան գյուղը գտնվել է Օհանավանից (Աշտարակի շրջան) հյուսիս՝ Ապարան տանող նանայարհի ձախ կողմում: Այժմ անմարդաբնակ է:

¹⁰ Սերկկիւլ գյուղը գտնվել է Օհանավանից հյուսիս-արևելք: Այժմ անմարդաբնակ է:

¹¹ «Ձ ա ք ա ր ե ա յ. Ս ա ր կ ա լ ա գ ի Պատմագրութիւն», հ. Բ, Վաղարշապատ, 1870, էջ 34 (այսուհետև՝ Ձ ա ք ա ր ի ա Ս ա ր կ ա լ ա գ):

¹² Օրավար հողը չափի միավոր է: Արևելյան Հայաստանի շրջաններում այն տարբեր չափերով է արտահայտվել: Կարբիի գավառում այն կազմել է մոտ 0,25 ճա:

որտեղ մշակվում էին բանջարանոցային, հացահատիկային ու տեխնիկական կուլտուրաներ: Վանքն ունեցել է չորս ջրաղաց, մեկ բրնձահան (դինգ), երկու ձիթաղաց և այլն¹³:

Հովհանավանքի կալվածատիրական տնտեսությունը շրջապատված էր այգիներով ու մրգաբեր ծառերով: Զաքարիա Սարկավազի վկայությամբ, XVII դ. վանքին էին պատկանում տեր Մխիթարի այգին, Տանձուտ կոչվող այգին, տեր Հուսիկի պարտեզը (Կարբիում), դիւանճոց այգին, խուտիկենց այգին, Զաֆարի այգին, Անապատի այգին ու Թեփինենց պարտեզը (Օհանավանում), Ընկուզենու պարտեզը (Ուշիում), Թարաղուլու պարտեզը ու «Մեծ» այգին (Փարպիում)¹⁴: Հովհանավանքն ուներ նաև խոշոր ու մանր եղջերավոր անասունների հոտեր: Նշանակվելով վանահայր, Զաքարիան հողերի ձեռքբերման հետ միաժամանակ ձեռնարկեց բազում անասունս, զծիս, զչորիս, և զերամակս մատակ ձիոց, և զեզինս, և զգոմէշս, և զխաշինս»¹⁵: Վանքի համար լրացուցիչ եկամտի աղբյուր էին նաև Արևելյան Հայաստանի տարբեր շրջաններից պարբերաբար ստացվող հասույթները: Զաքարիա Սարկավազը հայտնում է, որ վանքը նույնիսկ հեռավոր Շիրակից գանձել է աղաղիկ և զսրբադրամն, զիւղն և զպանիր, և զամենայն հասն վանիցն»¹⁶: Հովհանավանքն ունեցել է նաև մշակներ, որոնք կատարել են զանազան տիպի աշխատանքներ: Նույն Զաքարիա Սարկավազի վկայությամբ ապարանցի Գայուստը մասնակցել է Շիրակից գանձվող վանքի հասույթների տեղափոխմանը, քանի որ նա «մշակ էր վանացն»¹⁷: Վանքը փորձել է ձեռք բերել նաև հարկային իմունիտետ ու այդ նպատակով դիմել է Նոր Զուղայի մեծամեծերին, որպեսդի նրանք, ազդեցելով շահի վրա, Վանին նստոս արքունական, թէ հող և թէ ամենայն ինչ, զոր ինչ վարենք և ցանենք, առանց հնդորդի և տասնորդի զամենայն ժողովենք յշտեմարանս»¹⁸:

Արևելյան Հայաստանի վանքերի մեջ ընդարձակ հողային կալվածքներով աչքի էր ընկնում Կարբիի գավառում գտնվող Սաղմոսավանքը: Նրան կատարված հողային նվիրատվության շատ փաստերի հանդիպում ենք դեռևս XIII—XIV դդ.¹⁹: Սակայն Սաղմոսավանքի կալվածատիրական տնտեսությունը մեծ զարգացում ապրեց հատկապես XVI—XVII դդ.: Արդեն XVII դ. վանքը սեփականատիրական իրավունքով տիրել է Սաղմոսավանի վեց, Քարվանսարա գյուղի՝ երեք դանգ մուլքերին: Սիմեոն Երևանցին հայտնում է, որ Սաղմոսավանի 1,5 դանգը վանքի վանահայր Մանվել վարդապետը 1632 թ. գնել է ոմն Մուրադից ու Մարիամից, իսկ մնացած 4,5 դանգը Քի բն է վախճ է»²⁰:

13 Զ ա զ ա ր ի ա Ս ա ր կ ա վ ա զ, հ. Գ, Վաղարշապատ, 1870, էջ 28:

14 Նույն տեղում, էջ 27—28:

15 Նույն տեղում, էջ 34:

16 Նույն տեղում, էջ 8:

17 Նույն տեղում:

18 Նույն տեղում, էջ 34:

19 Դ. Ա ի շ ա ն, Այրարատ, Վենետիկ, 1890, էջ 162:

20 Վախճ (վազթ) էին կոչվում հոգևոր հաստատություններին նվիրված հողերն ու այլ տնտեսականները: Վախճի դեպքում դրանք ձեռք էին բերում հարկային իմունիտետ ու եկամուտ:

հղել վանքին²¹, Սակայն կալվածագրերից մեկում ասվում է, որ Վալի խալի-
ֆե Ալիափութը 1581 թ. Ալի խալիֆե Ալիափութին յոթ թումանով վաճառել է
Սաղմոսավան գյուղի ամբողջ վեց դանգ մուլքը²², Շահ Աբաս I-ի 1604 թ.
մի հրովարտակից պարզվում է, որ գյուղի երեք դանգը հղել է ոմն Քեջավունի
դուստր Վախախի օրինական ժառանգութիւնը²³, Շատ հավանական է, որ
հիշյալ Քեջավունը Ալի խալիֆե Ալիափութից գնել էր գյուղի երեք դանգն ու
նվիրել իր աղջկան։ Հ. Փափազյանը գտնում է, որ մնացած երեք դանգն էլ
պատկանել են նույն ընտանիքի այլ անդամների, որոնց սերունդներից են նաև
վերը հիշված Մուրադն ու Մարիամը²⁴, Հավանաբար, մինչև Մանվել վարդա-
պետը, գնվել է գյուղի 4,5 դանգը, իսկ մնացած 1,5 դանգի գնումից հետո
վանքն ամբողջովին տիրում է գյուղի մուլքին։

Քարավանսարա գյուղի սեփականութիւնը իրավունքը վանքը ձեռք է բերել
1661 թ.։ Վավերագրերից մեկում այդ մասին կարդում ենք. «...ես Ոսկան
վարդապետս յորժամ էի վանս Սաղմոսաց զՔարավանսարայ ի երեք ստակ
մուլքն կերի, որքան էր անտ քանդի ստակ և կէս մուլքն Ալի բէկին և տէր
Շմաւոնին հայրենիք է, որք ետուն Սաղմոսավանուցս վախմ, ստակ և կէսն
այլ ես ի Թումանիցն հոգեբաժին առի, որով եղև երեք ստակ մուլքն»²⁵, Սի-
մեոն Երևանցու վկայութիւնը «Համամու, Այվազալի և Քուրտալի կոչեցեալ
դեօղօրէից մուլքն ևս են լեալ սոյնոյ վանքիս», սակայն հետագայում մի
մահմեդական խաբեութեամբ տիրում է այս գյուղերի սեփականութիւնը իրա-
ւունքին²⁶։

Քննվող ժամանակաշրջանում Սաղմոսավանքը զանազան ճանապարհներ-
ով իր ձեռքում էր կենտրոնացրել վարելահողերի, այգիների ու խոտհարքնե-
րի դալի տարածութիւններ։ Ստացվող հումքը վերամշակվում էր վանքի
տնտեսութիւնում, որն ուներ անհրաժեշտ արտադրական-տնտեսական կա-
ռույցներ²⁷։

Ուսումնասիրվող ժամանակաշրջանում սեփական կալվածքներ, արոտա-
վայրեր, այգիներ, խոշոր ու մանր եղջերավոր անասունների հոտեր ունեւ
նաև Բջնիի ս. Աստվածածին վանքը։ Վանքի կալվածատիրական տնտեսու-
թիւնը ընդարձակման գործում մեծ է եղել վանահայր Փիլիպոսի վաստակը։
1631 թ. նշանակվելով վանքի առաջնորդ, նա առաջին հերթին ձեռնամուխ է
լինում վանքի վերաշինման աշխատանքներին։ Այս գործում նրան նյութա-
պէս օգնում են Նոր Զուղայի հայ առևտրականները²⁸։ Այնուհետև, ինչպես
վկայում է Զաքարիա Սարկավազը, Փիլիպոսը «շինեաց և ձիթաղացս, և ջրա-

²¹ Սիմեոն Երևանցի, Զամբռ. Գիրք որ կոչի յիշատակարան արձանացուցիչ, հա-
յիկ և պարունակող բնակից որպիսութեանց Սրբոյ Աթոռոյս, և իւրոյ շրջակայից վանօրէիցն,
Վաղարշապատ, 1873, էջ 289 (այսուհետև՝ «Զամբռ»)։

²² «Մատենադարանի պարսկերեն վավերագրերը, Կալվածագրեր», պր. I, (ԺԴ—ԺԶ դդ.),
կազմեց՝ Հ. Դ. Փափազյան, Երևան, 1968, էջ 130 (այսուհետև՝ ՄՊԿ)։

²³ ՄՊԶ, պր. II (1601—1650 թթ.), կազմեց՝ Հ. Դ. Փափազյան, Երևան, 1959,
էջ 81—82։

²⁴ ՄՊԿ, պր. I, էջ 179։

²⁵ Մատենադարան, Կաթողիկոսական դիվան, թղթ. № 242, վավ. № 4։

²⁶ «Զամբռ», էջ 289։

²⁷ Նույն տեղում, էջ 290—291։

²⁸ Ղ. Ալիշան, նշվ. աշխ., էջ 275։

ղացս, զգոմս անասնոց, և զխոռոս ձիուց, և զփարախս խաշանց»²⁹։ Այս վանքի վանահայրերից Մեսրոպ վարդապետը 1701 թ. 800 դինարով ոմն Մկրտչից ընում է Կեդուռն գյուղի մեկ դանդ մուլքը³⁰։ 1690—1720 թթ. վանքի վանահայրեր հիշյալ Մեսրոպը, Դավիթն ու Հովհաննեսը Կեդուռն, Քանաքեռ, Օշական, Բզնի և Նուռնուս գյուղերից ձեռք են բերում ընդհանուր հաշվով 12 այգի, 14 սոմար մշակելի հողակտոր, 5 կտոր վարելահող ու խոտհարքներ³¹։ Վանքի թեմի մեջ էին մտնում Կոտայքի ու Մաղկոտն դավառների շուրջ 49 գյուղեր, որոնցից ստացվում էին նրա հասույթները։

Իր հողային ընդարձակ կալվածքներով ու անշարժ գույքով Արևելյան Հայաստանի եկեղեցիների մեջ առանձնահատուկ տեղ էր գրավում Սանահնի վանքը։ Հայաստանի պատմության ընկնող ժամանակաշրջանում այն բազմիցս կողոպտվել ու ավերվել է։ Սարգիս եպիսկոպոսը հայտնում է, որ նրա ստանձնել է վանքի առաջնորդությունը, Սանահնի տնտեսական զրույթունը եղել է չլատթար վիճակում, որ խլել են «ի վանիցս մուլքս և հայրենիքս»³²։ Հետագա տարիներին Սարգիսը և նրան հաջորդած Բարսեղ արքեպիսկոպոսը կարողանում են աստիճանաբար կորցրածը ետ վերադարձնել, ինչպես Սարգիսն է ասում, «...առաջի մեծաց և իշխանաց կաշառաւք ոմանց զնելով» ու այլ ճանապարհներով³³։ Արդեն XVII դ. վերջին վանքը տիրել է 7 գյուղերի մուլքին, ունեցել է 11 այգի, 62 օրավար հող և 6 խոշոր հողամաս³⁴։ Ձեռքբերված հողային տարածությունները վանահայրերը նախ գրանցում էին իրենց անունով և ապա նոր նվիրում վանքին։ «...Բ մեծ հող լւմ հայտարարի և վախմ արարինք»³⁵,— գրում է Սարգիս եպիսկոպոսը։

Վանքի իրավունքները ճանաչում ու հաստատում են նաև Վրաստանի կառավարիչները։ Վրաց Ռուստոմ խանը 1652 թ. Սանահնի վանքին տված հրովարտական հայտնում է, որ ինքը ոչ միայն հաստատում է վանքի թեմակալության իրավունքները «մինչև ի քաղաքն Տփղիս... ի կողմն Երևանու Մաղկուցաձորն մինչև ի սահմանս Աղխտափու Շիրակայ թեմն. Բամփակու ձորն և Լոռու թեմն», այլև «բազում զվաւորաց և տեղաց» վրա վանքի ունեցած սեփականատիրական իրավունքները³⁶։

Վանքին մեծ շահույթ են բերել նաև զանազան արտադրական-տնտեսական կառույցները։ Այն ունեցել է 4 ջրաղաց, 2 ձիթհան, հնձաններ, մառաններ, տնեղ, կուղպակ-խանութներ և այլն³⁷։

Սանահնի վանական տնտեսությունում օգտագործվել է նաև ճորտ գյուղացու աշխատանքը։ Զավթելով համայնական հողերը, հողերը ավատատերերն աշխատում էին իրենց ենթարկել նաև համայնքի անդամ գյուղացիներ-

²⁹ Զ ա ռ ա ռ ի ա Ս ա ռ կ ա վ ա գ, Կ. Ա., Վաղարշապատ, 1870, էջ 76։

³⁰ «Ջաւրո», էջ 285։

³¹ Նույն տեղում, էջ 285—287։

³² Մատենադարան, ձեռ. № 3031, էջ 330։

³³ Նույն տեղում, էջ 330։

³⁴ Ս. Պ ող ո ս յ ա ն, Եկեղեցական հողատիրությունը Երևանի խանությունում 17—18-րդ դդ. և էքմիածինը որպես խոշոր կալվածատեր (Երևանի պետհամալսարանի «Գիտական աշխատություններ», Կ. 13, Երևան, 1940, էջ 126)։

³⁵ Մատենադարան, ձեռ. № 3031, էջ 334։

³⁶ Ս. Զ ա լ ա լ յ ա ն, Էջմ. աշխ., մասն Ա, էջ 46—48։

³⁷ Մատենադարան, ձեռ. № 3031, էջ 376, 378, 384։

րին. Սանահնի վանքի պատմությունը նկարագրող Մատենադարանի «Քյոթուկ Սանահնի վանուց» անունը կրող ձեռագրում կան արժեքավոր շատ վկայություններ ձորտերի, նրանց տնտեսության, հողատերերի հետ ունեցած փոխհարաբերությունների մասին և այլն: Այդ ձեռագրի էջերից մեկում կաթողիկոս Հակոբ Զուղայեցին հայտնում է, որ երբ 1664 թ. «...վասն ուխտանելոյ վանորէից եկաք Սանահնոյ վանքն, Արղուիթեցոց ջամիաթն ամենեքեան իւրեանց բերանով իղրար արին ինձ մաւտ ի՛նչ մեր յօժար կամօք Ունակա շինականքն իւրեանց հողովն, ջրովն ծախեցինք Սարգիս եպիսկոպոսին...»³⁸: Նման բնույթի մեկ այլ վավերագրում ասվում է. «Կամաւն ամենազօրին ես պարոն Զալ բէկի որդի Գասպարըս. իմ որդի Գօզէս. մեր ըռզշվս մեր Ունակա ծիլ³⁹ շինական. շիխու Մխիթարն. Ակոբն. Խէշիկն ծախեցինք վերայ Սարգիս պարոն տէրին իրանց տանովն, իրանց հողովն, իրանց ջրովն... պարոն տէրն գնեց վախմ արաւ Սանահնու սուրբ Աստուածածնին»⁴⁰:

Տիրոջ իրավունքները տարածվում էին ոչ միայն առանձին մարզկանց, այլև նրանց ընտանիքի մյուս անդամների վրա ևս: «Գնեցի Մուլխանն իր Բ որդովն, մէկ դուստրովն»⁴¹, — հայտնում է Սարգիս եպիսկոպոսը: Այսպիսով, որքան ավելի էր ամրապնդվում ավատատիրական սեփականությունը հողի նկատմամբ, այնքան ավելի էին աճում հողերը ավատատերերի իրավունքներն իրենցից կախված մարդկանց նկատմամբ:

XVI—XVII դդ. ընդարձակ կալվածքներ ունեւ Գառնիի գավառում գտնվող ս. Ամենափրկիչ վանքը: Նրա տիրույթները նկարագրող 1526 թ. մի կալվածագրից երևում է, որ վանքը Զաքարիա և Համազասպ վարդապետներից ստացել է Կղզի վանք, Մանկուս, Ավանիկ դյուզերի, ինչպես նաև Քեղվարդ ու Սուրբ Սաշդիս ագարակների 3 դանգ մուլքերը⁴²: Հետագայում, ըստ Սիմեոն Նրեանցու հայտնած տեղեկությունների, վանքն իր սեփականատիրական իրավունքները տարածել է Հայոց-Քառ, Կուսուց վանք (՝ որ Թարաքեամի գեօղ ևս կոչի), Թառնիս, Ագարակ, Կոխդ և Դաղվերթ գյուղերի վրա⁴³: Վերը թվարկված գյուղերից Սիմեոն Նրեանցին չի հիշատակում միայն Քեղվարդը: Ստուգաբանելով Դաղվերթ անունը, Պ. Հարությունյանը գրում է, թե տեքստում հավանաբար սխալի հետևանքով Քաղբերթ է և պետք է լինի Դաղբերթ: Նա միաժամանակ նշում է, որ ո՛չ Քաղբերթը և ո՛չ էլ Դաղբերթը Ղ. Ալիշանի «Այրարատ» աշխատությանը կցված քարտեզում չկան⁴⁴: Նախ ասենք, որ տեքստում ոչ թե Քաղբերթ է, այլ Դաղվերթ: Եվ հետո մեզ հայտնի է, որ վանքն ունեցել է նաև Քեղվարդ անունով ագարակ, որը հաղիվ թե վաճառված կամ էլ բռնագրավված լինի, քանի որ այն ճշմարիտ շարիաթական

38 Նույն տեղում, էջ 407—408:

39 «Ծիլ» վրացերեն նշանակում է բաժանման հետևանքով ստացված մաս: Տվյալ դեպքում «Ունակա ծիլ շինական» նշանակում է, որ Գասպարը և իր որդին Ունակ գյուղում ունեցած իրենց կալվածքներից Մխիթարի, Ակոբի և Խէշիկի մասը վաճառում են Սարգիս եպիսկոպոսին:

40 Մատենադարան, ձեռ. № 3031, էջ 413—414:

41 Նույն տեղում, էջ 371:

42 ՄՊԽ, պր. I, էջ 105:

43 «Զամբռ», էջ 276:

44 Симеон Ереванци, Джамбр, перевод С. Малхасянца, под редакцией П. Арутюняна, М., 1958, с. 398.

վակֆ» էր արված, այսինքն ըստ մահմեդական օրենքի՝ անձեռնմխելի էր: Կարելի է կարծել, որ Քեղվարդը հենց Գեղարդն է և գործ ունենք սոսկ հնչյունական սխալի հետ: Այդ դեպքում այն պետք է նշվեր Գեղարդի վանքի մուլքադարական գյուղերի թվում, սակայն Սիմեոն Երևանցին այնտեղ չի հիշատակում այդ անունը⁴⁵։ Զաքարիա վարդապետի՝ մի քանի գյուղերի ու ագարակների վրա ունեցած սեփականատիրական իրավունքները հաստատող 1489 թ. կալվածագրում հիշատակվում է նաև Ավանիկ գյուղը և նշվում, որ այն գտնվում է Քեղվաբերդ ամրոցի մոտ⁴⁶։ Շատ հավանական է, որ 1526 թ. կալվածագրում հիշատակված Քեղվարդ ագարակն իր անունը ստացել է հենց Քեղվաբերդից, իսկ Սիմեոն Երևանցու մոտ եղած Դաղվերթը մի այլ ագարակ է, որի 3 դանգ մուլքը վանքը կարողացել է ձեռք բերել:

Սյունիքում իր ընդարձակ հողային տարածություններով, մուլքատու գյուղերով, զանազան տիպի կառույցներով ու հարստությամբ առանձնանում էր Տաթևի վանքը: XIV—XV դդ. Տաթևի վանքի վերաբերյալ մեզ քիչ վկայություններ են հասել: Սակայն այն հանգամանքը, որ XV դ. հետո վանքը կարողացավ համեմատաբար կարճ ժամանակամիջոցում ձեռք բերել իր երեքմանի տնտեսական հզորությունը, վկայում է, որ մոնղոլական տիրապետության ժամանակաշրջանում էլ այն որոշ չափով պահպանել է իր տնտեսական հզորությունը⁴⁷: Տաթևի վանքի հողային տարածությունների ընդարձակումն ավելի մեծ թափով շարունակվեց XVI—XVII դդ.: 1508 թ. գրված մի կալվածագրից տեղեկանում ենք, որ անգեղակոթցի Շմավոն վարդապետը վանքին է նվիրել 15 գյուղ ու մի այգի⁴⁸: Վանքի իրավունքները ճանաչել ու հաստատել են նաև Սեֆյան շահերը: Շահ Թահմազ I-ը 1577 թ. հրովարտակով վերահաստատում է վանքի սեփականատիրական իրավունքները՝ Շմավոն վարդապետի կողմից եկեղեցուն նվիրված 15 գյուղերի ու մի այգու վրա⁴⁹, վանքի համար լրացուցիչ եկամտի աղբյուր էին նաև նրա վիճակի մեջ մտնող վայրերից ստացվող հասույթները: Տաթևի վանքի ու գյուղացիների միջև եղած տնտեսական փոխհարաբերությունների մասին է պատմում վանքի եկամտացանկը պատկերող մի ձեռագիր, որի ուսումնասիրումից պարզվում է, որ քննվող ժամանակաշրջանում վանքի վիճակի մեջ են մտել 14 գավառների շուրջ 264 գյուղեր, որոնցից վանքը պարբերաբար պտղահարկ է ստացել⁵⁰: Աշոտ Հովհաննիսյանի հաշվարկներով «Տաթևու սրբոյ Աթոռոյս թեմի պտուղն», որն այդ ժամանակ դարձել էր դրամական տուրք, կազմել է մոտ 65 թուման⁵¹, Եկամտացանկի ուսումնասիրումից նաև պարզվում է, որ գյուղացիները, բացի բնավճար ու դրամական ռենտայից, վանքի համար կատարել են աշխատավճարային ռենտա: Այսպես, Տաթև գյուղի բնակիչները պարտավոր էին վանքին տալ ոչ միայն 24 բեռ ցորեն ու 4 լիտր մեղր, այլև «գլխովին բոլոր գեղովն մէկ օր վար անեն. Բ օր հունձ անեն. և Ա օր ալ ջառ անեն

⁴⁵ «Ջամբու», էջ 272—273:

⁴⁶ ՄՊԿ, պր. I, էջ 83:

⁴⁷ ՄՊԶ, պր. I, էջ 44:

⁴⁸ ՄՊԿ, պր. I, էջ 99—103:

⁴⁹ ՄՊԶ, պր. I, էջ 60—62:

⁵⁰ Մատենադարան, ձեռ. № 4228, էջ 214ա—216բ:

⁵¹ Աշոտ Հովհաննիսյան, Դրվագներ հայ ազատագրական մտքի պատմության: Գիրք երկրորդ, Երևան, 1959, էջ 319:

ինչ բան որ լինի. և Ա. օր եղնարածքն վանքիս համար խոտ հարեն»⁵²։ Նման պարտավորութիւններ ունեին նաև Տանձատափ, Շնհեր, Հալիձոր ու այլ գյուղերի բնակիչները⁵³։ Վանքն ունեւր նաև արտադրական-տնտեսական բնույթի մի շարք կառույցներ, որոնց օգտագործումից հավելլալ մեծ եկամուտ էր ստանում։

Արցախում բազմաթիւ վանքերի ու եկեղեցիների մեջ, իր հողային ընդարձակ կալվածքներով, տասնյակ գյուղերով, արտերով ու այգիներով, զանազան տիպի տնտեսական կառույցներով առանձնանում էր Գանձասարի վանքը։ Վանքի տնտեսական առաջընթացը հիմնականում սկսվեց XIV—XV դդ., երբ Հասան-Ջալալյան ավատատիրական տան ներկայացուցիչները տիրացան Աղվանքի կաթողիկոսական գահին ու Գանձասարը դարձրին իրեց նստավայրը։ Իրենց ձեռքը վերցնելով Աղվանքի հոգևոր առաջնորդութան պաշտոնը, Հասան-Ջալալյաններն այս բնագավառում էլ կարողացան պահպանել իրենց իշխանութիւնն ժառանգական բնույթը և նրանց իրավունքները ճանաչվում ու հաստատվում էին եկվոր տիրակալների հրովարտականերով⁵⁴։

Գանձասարի վանքի հողային տարածութիւնները ևս ընդարձակվում էին առաջին հերթին հայ աշխարհիկ ավատատերերի հատկացումների հաշվին։ Վավերագրերից մեկում այդ մասին ասվում է. «Կաման Աստծոյ ես Վելիճան և եղբարք իմ որդիք Սալտունին՝ թոռն մեծին Աղբաստու տեառն խաչենու, տուաք Ալմանայ իւր չորս սահրատովն ի սուրբ ուխտս Գանձասարայ»⁵⁵։ Նման տիպի նվիրատվութիւն կատարում են նաև Աղաբեկի որդի Սմբատը և ուրիշներ⁵⁶։

Գանձասարում ևս հոգևոր ավատատերերը ձեռք բերելով հողեր, առաջին հերթին դրանք զբաղեցնում էին իրենց անունով և ապա նոր նվիրում վանքին։ Այսպես է վարվում, օրինակ, Առաքել կաթողիկոսը՝ Հասան բեկից զնած Ճալեթ գյուղի հետ⁵⁷։ Սարգիս կաթողիկոսը հայտնում է, որ 1546 թ. իր զնած վայրերի չորս ստակ մուլքը տալիս է Գանձասարին⁵⁸։

Վանքապատկան հողատիրութիւն ընդարձակման միջոցներից մեկն էլ գյուղական համայնքի հաշվին ձեռքբերված հողերն էին։ Վավերագրերից մեկը, օրինակ, հայտնում է, որ 1621 թ. Քարազուլիս գյուղի Կոռալան կոչված հանդամասը անցել էր Գանձասարի վանքի տնօրինութիւնը⁵⁹։

Էջմիածնի և Գանձասարի կաթողիկոսութիւնների փոխհարաբերութիւնները XVII դ. առաջին կեսին բավականին սրվեցին։ Էջմիածնի հայոց հայրապետներն աշխատում էին Արցախը ևս ընդգրկել իրենց թեմակալութիւն մեջ ու Գանձասարի կաթողիկոսութիւնը զրկել այդ վայրերից հասույթներ ստանալու իրավունքից։ Փորձելով արդարացնել էջմիածնի ձգտումները, Մակար եպիսկոպոս Բարխուտարյանցը հայտնում է, թե Վեաչենի և Աղուանից ժողովուրդն զանգատեցին շահ Սեֆի Ա-ոյն, թէ մենք ի բնէ վիճակուած ենք լինել

52 Մատենադարան, ձեռ. № 4228, էջ 213բ։

53 Նույն տեղում, էջ 213բ—214ա։

54 Ս. Զալալյան, նշվ. աշխ., մասն Բ, Տփղիս, 1858, էջ 485—486։

55 Զ. Շահաթունեանց, էջ 374։

56 Նույն տեղում, էջ 376։

57 Նույն տեղում, էջ 380։

58 «Վիճական տարեգիր», էջ 177։

59 Մատենադարան, Կաթողիկոսական գիւման, թղթ. № 240, վավ. № 81։

թեմ էջմիածնի, այժմ էլ կամենում ենք լինել թեմ էջմիածնի. մեր վերայ շիշխէ Գանձասարի կաթողիկոսն»⁶⁰, Հիմք ընդունելով 1650 թ. շահ Աբաս II-ի հրովարտակը⁶¹, Մ. Բարխուտարյանցը միաժամանակ հայտնում է, թե «Շահն հրովարտակ է տալիս Փիլիպոս կաթողիկոսին, որ իրաւունք ունի իւր հովանաւորութեան ներքո ընդունել գանձատաւորները»⁶²: Սակայն պարսից շահերի՝ Գանձասարի կաթողիկոսութեանը տրված հրովարտակներից երևում է, որ նրանք ճանաչել ու հաստատել են նաև վերջինիս իրավունքները⁶³: Այսպիսով պարզ է դառնում, որ շահական արքունիքը հայոց կաթողիկոսութեանը նկատմամբ գլխավորապես պառակտիչ քաղաքականութիւն է վարել: Եվ ինչպես ճիշտ նկատել է Բ. Ուլուբաբյանը, «Այդ նրանք էին, որ հպատակներին անընդհատ հրահրում էին իրար դէմ, խափանում ամեն մի քայլ, որ կարող էր տանել դեպի միասնութիւն, ազգային, պետական կամ հոգեւոր մարմնի ստեղծում»⁶⁴: Իսկ էջմիածնի ձգտումները՝ ընդգրկելու ողջ Արցախն իր թեմակալութեան մեջ, բացատրվում է այն հանգամանքով, որ XVII դ. առաջին կեսում էջմիածինը պարտքերի մեջ ընկնելով տնտեսապես թուլացել էր, ուստի և ձեռնադրւում էր իր թեմակալութեան մեջ ունենալ նաև Արցախը, որտեղից ստացված եկամուտները կբարելավեին նրա տնտեսական վիճակը: Հետևապէս Մ. Բարխուտարյանցի պնդումը ճիշտ է:

Մատենադարանի կաթողիկոսական դիվանի ֆոնդում պահպանվում են տնտեսական բնույթի բազմաթիվ վկայութիւններ՝ Նախիջևանի խանութիւնում գտնվող ս. Նախավկայի վանքի մասին⁶⁵, Այդ վավերագրերի ուսումնասիրումից պարզվում է, որ XVI—XVII դդ. Նախավկայի վանքը գնումների, նվիրատվութեան ու գյուղական համայնքից հողերի բռնագրավման միջոցներով իր ձեռքում էր կենտրոնացրել մոտ 240 սոմար⁶⁶ մշակելի հողատարածութիւն⁶⁷: Վանքապատկան հողերը ջրարբի դարձնելու նպատակով վանքի հոգեւոր առաջնորդները կարողացել են ձեռք բերել առուներ ու ջրանցքներ, որոնց վրա կառուցել են ջրաղացներ, դինգեր ու եկամտաբեր այլ կառույցներ: Նրա վանահայրերը միաժամանակ ակտիվ աշխատանք են ծավալել ոչ միայն վանքի թէմի մեջ նորանոր բնակավայրեր ընդգրկելու, այլև դուրս եկածներին նորից հետ վերադարձնելու ուղղութիւնով: Աստապատ գյուղաքաղաքի հայ հասարակութեանը Նահապետ կաթողիկոսի 1694 թ. ուղղած հրովարտակից երևում է, որ հիշյալ վայրէ բնակիչներից ոմանք, «չարաբարոյք» արարքների պատճառով, ժամանակավորապես դուրս էին մնացել վանքի թեմակալութեանից, ուստի և կաթողիկոսը Աստապատը վերահաստատում է «գլխեակ սրբոյ աթոռոյս Նախավկային» ու միաժամանակ պարտադրում, որ բնակիչները եկեղեցական բոլոր տուրքերն ու հասույթները կանոնավոր վճարեն⁶⁸:

Ուսումնասիրվող ժամանակաշրջանում կալվածատէրական նույնատիպ

60 Մ. Բարխուտարյանց, Պատմութիւն Աղուանից, հ. Բ, Թիֆլիս, 1907, էջ 65:

61 ՄՊՀ, պր. II, էջ 147—148:

62 Մ. Բարխուտարյանց, նշվ. աշխ., էջ 65:

63 ՄՊՀ, պր. II, էջ 83—84, 110:

64 Բ. Ուլուբաբյան, Խաչնի իշխանութիւնը X—XVI դդ., Երևան, 1975, էջ 382:

65 Մատենադարան, Կաթողիկոսական դիվան, թղթ. № 242, վավ. № 91, 96, 99, 100 և այլն:

66 Սոմարը կազմել է 0,25 կա:

67 Հ. Թումանյան, Հայաստանի տնտեսական զարգացման պատմութիւն, Երևան, 1960, էջ 265:

68 Մատենադարան, Կաթողիկոսական դիվան, թղթ. № 244, վավ. № 252:

տնտեսությունն ունեին նաև նորավանքը, Դարաշամբի, Հաղրատի ու Հաղարծնի վանքերը, Ձագավանքը, Խոր Վիրապը, Մուղնիի ս. Գևորգ վանքը և Արևելյան Հայաստանի մի շարք այլ վանքեր:

Այսպիսով, փաստերը հավաստում են, որ ուշ միջնադարում հայ եկեղեցին ընդհանուր առմամբ զգալի տեղաշարժ է ապրել, կայունացնելով իր դիրքերը ավատատիրական սոցիալ-քաղաքական սիստեմում: Ստեղծված անրարենպաստ քաղաքական պայմաններում հայ եկեղեցին ոչ միայն կարողացավ պահպանել իր գոյությունը, այլև աշխարհիկ ավատատերերի հատկացումների, ղեկավարի ու գյուղական համայնքի հողերի բռնագրավման հաշվին դարձավ խոշոր հողատեր: Հոգևորականության ազդեցիկ ներկայացուցիչները ձեռք բերելով տնտեսական զգալի ուժ, հաճախակի իրենց ձեռքում էին կենտրոնացնում նույն շրջանի ոչ միայն հոգևոր իշխանությունը, այլև թուլացած կամ էլ ասպարեղից վերացած աշխարհիկ ավատատիրական տների կառավարման ղեկը՝ գրանով իսկ մեծացնելով երկրի քաղաքական կյանքում ունեցած իրենց ազդեցությունը:

ЦЕРКОВНОЕ ЗЕМЛЕВЛАДЕНИЕ И МОНАСТЫРСКОЕ ПОМЕЩИЧЬЕ ХОЗЯЙСТВО В ВОСТОЧНОЙ АРМЕНИИ (XVI—XVII вв.).

ГАМЛЕТ ТОРОСЯН

Резюме

Одна из основных особенностей феодального общества Восточной Армении состояла в том, что в отличие от феодальных домов, которые постепенно исчезали, церковные имения в какой-то степени оставались невредимыми.

Воспользовавшись относительно лояльным отношением сефевидских шахов, армянское духовенство значительно сохранило свои привилегии, а также экономические позиции. За счет приношений и закупок, а также разорявшихся общин церковь расширяла свои земельные угодья.

В XVI—XVII вв. экономические возможности феодального духовенства заметно расширились, и оно вовлеклось в мирскую жизнь, организуя свои типичные помещичьи хозяйства.